

守  
意  
龕  
詩  
集

守意龕詩集卷十五

三韓 百齡 菊溪著

甲寅

蘭巖學士以近詩見示賦贈

綴玉聯珠二十年退

朝常見聳吟肩逸情散若迴風雪健筆操如下水船萬  
卷好書排日課千秋此事幾人傳期君逕入曹劉室可  
但聲名壓後賢

秋千

少女風生綵索牽誰家庭院送秋千大垂手似高低舞

今言集卷一  
一轉樞看左右旋花影上衣搖夜月柳痕捎鬢破春烟  
憑空妙撰凌雲賦鳳翥鸞翔思渺然

雨後過玉河橋

萬葉雨聲歇滿塘烟不流水紋真可繪荷氣忽驚秋隔  
岸林巒出凌虛殿閣浮一篙清淺處好放釣漁舟

過坦園齋中縱談夜歸

發言畏執咎廣座常默然銜枚列陣馬閤響同寒蟬豈  
無磊落意鬱鬱何由宣逢君乃大放快若疏言泉縱橫  
雜今古絮聒無後先或探幽理窟或摘豔吟箋或笑同  
抵掌或忿欲張拳青燐悼故鬼白業追枯禪悲歡不一

態頃刻紛來前兒童晒我妄君聽耳不煩燥吻戒飲酒  
苦茗泥爐煎流連夜已半月黑雲垂天卽歸耿不寐煩  
悔前言愆脩詞尙體要可說斯可傳人生三寸舌毋取  
驚四筵

季夏願園雨社分韻

得是字

山林誰遣入城市十笏茅堂綠雲委人影看移樹影間  
雨聲聽到吟聲裏淋漓屋角訝傾盆活潑文心若翻水  
長日徘徊不放閒諸君磊落殊堪喜拙思乙乙吐春蠶  
下筆堂堂酣戰蟻臥算條侯壁壘堅先登考叔螯弧取  
宋斤魯削厥工同質酪贊酥其味美定許文章放一頭

請看骨相皆千里卽今丹桂兆秋香到處黃槐忙舉子  
老我猶存見獵心願君一雪虛聲恥短長拈韻更分牋  
遲速當場頻測晷已聞乾鵲噪疎簷尙覺濃雲霑綈几  
酒不空樽北海誇圖堪誌雅西園擬論今論舊雨同來  
長奉珠盤聚於是

夏夜偕諸弟坐願園感賦

叙樂擬芳園濃陰坐一軒人隨嘉樹長室有舊書存祖  
德應同述文章與共論莫將年少日悠忽度朝昏

昔誦杜陵句養親惟小園

杜詩孟氏好兄弟養親惟小園

弟兄同愛景

花木亦餘恩事竟成千古心難訴九原淒涼孤子淚相

向瀝庭軒

蘭巖灤陽見懷韻

書淫詩癖與年深  
喝月嘲風忍不禁  
老去痛無懷橘日  
別來愁抱望雲心  
苔荒曲逕塵蹤少  
樹暗秋窗雨氣沈  
半榻新涼貪坐久  
壁燈銜照夜蟲吟

中秋東阡作

天地有寒色  
西風悲素衣  
孤村秋水落  
高嶺斷鴻飛  
節序前塵感  
身名夙願違  
東阡今夜月  
爲我掩圓輝

是夜陰晦

題煦齋侍讀秋燈伴讀圖

鄴架牙籤三萬紙  
芙蓉鏡影芸香裏  
青燈有味與書同

書外燈花替人喜公子翩翩瓊樹枝異聞猶記過庭時  
傳來鳳閣絲綸手聽詠雞鳴昧旦詩齊眉人是橫經伴  
良夜蘭膏一書案不須標格學簪花最惜光陰添繡線  
秋桂揚華月斧磨春林碎錦風翦過采摘萃香歌鹿野  
攜將暹炬照鸞坡鸞坡天上神仙履半是公門舊桃李  
笑舉韋幔誦清芬奕葉青箱堪濟美藜火攤書歲月深  
文章可許度金鍼瑤階日躡仙鸞影芝閣風諧雛鳳音  
兩郎君皆聰穎讀書寫真漫賦丹青引敝佩圖成風度謹禁中才  
子識元郎林下夫人服劉尹

張得天司寇自書詩稿爲李靜菴明府題

宛宛筆迴鸞戢戢字行蠟評書千載上誰躡蘭亭址襄  
陽得晉法突出張壁壘譬彼南北宗共悟天龍指俗書  
工描摹波撇遲奇詭例之寶晉齋體具神已死卓哉涇  
南翁臨池溯彼美英光動豪素奇氣入骨髓平生所師  
仰米老同轍軌君從何處得細字留稿紙探源筆陣圖  
一勺滄溟水其中要妙辭尤澈四禪理人天好護持或  
恐雷電取

蘭巖囑詠瓶菊

閉門幽意最相憐十八香中品似仙正好重陽風雨過  
一枝秋落小窗前



隱逸從來有定評  
歲寒好與訂詩盟  
旁人愛詠黃金色  
翻似花貪富貴名

讀史

生不封侯命若何  
閒呼獵騎灞陵過  
將軍莫更論新故  
一笑人間醉尉多

美人簫鼓豔船中  
痛哭江山半壁空  
百戰歸來頭雪白  
安排驢背着英雄

詠史

東山再起爲蒼生  
屢折喜兒辨賊成  
底事不尋絲竹樂  
卻教垂涕到聞箏

銅柱功成一病夫五溪淫毒日沾濡若教馬革先歸骨  
那有人言慧是珠

初冬過蘭巖學士掃葉書屋夜話

斜日淡城角西風生暮寒覓巢鴉陣落走砌葉聲乾小  
築棲身穩深杯到手歡隣鐘解留客未肯報更闌  
隔座燈花笑窺簾月影虛人惟閒可樂冬是歲之餘拂  
壁誰題句傳家有

賜書十年中秘讀垂老愧蟲魚

雪霽望十三山

一山復一山山谷各殊狀嵌空千芙蓉瘦峭瑤華朗層

冰馬蹄蹄凍樹鴉縮頸罡風掃積霧決背青冥上蜿蜒  
二百里日出豁萬象或怒如蹲獅或連如伏蟒或禿如  
寡髮或平如指掌或小大不論或後先相讓一氣盤厚  
軸乾坤大醞釀北望醫巫閭肅肅兒孫仰寒光壓車蓋  
到此絕塵想誅茅松峯巔我欲孤筇往

小春旣望陸樸堂學士伯焜招坦園蘭巖時帆煦齋

寓齋看菊分韻

得落字

秋懷相與深出門感搖落誰能踏寒雨一踐尋菊約先  
生靜者流不爲塵網縛辜芳向老圃羅列繞帷幕分盆  
高下宜夾案丹黃錯枝枝臭味同一風趣各居然聚

隱逸相賞在巖壑客來坐花傍有酒且斟酌酒行客三  
歎花事憶疇昨春光二三月紅紫滿城郭撩眼海棠顛  
映肉天桃灼招要婪尾尊徵逐豐臺芍可憐蜂與蝶亦  
還嬉遊樂卽知蒲柳姿驚秋倏隕穉是時東籬英傲霜  
固自若天心勵晚節獨出衆乃愕締彼松竹梅歲寒交  
可託流連開笑口古歡愜杯杓花意促人歸瘦影低日  
腳攜袖澹香滿孤吟倚寥廓

病中

天親與無著至性不可滅疾痛呼父母中宵起鳴咽窗  
虛夜氣寒明月照積雪繁憂不成寐蕩影燭花顚見我

爺與娘顏色慘不悅憐兒何太苦問兒何久別覩纓舊  
時事一一爲兒說長跪攬衣裳聞言淚疑血百年顧復  
恩豈信泉路絕隣雞喚夢醒病魂莽飄瞥

甲寅冬月既望過樂賢堂時雪色映窗晚菊尙敷

腴可愛照齋留飲分韻

得晚字

兼旬病骨瘦一見驚歲晚張南與周北爾室詎云遠碾  
風息勞薪踏雪策疲蹇入門芳意深促坐古懷展卓哉  
霜下傑向客枝宛宛繁英爛漫舒密葉玲瓏翦冬心接  
梅嶺澹友愜蘭畹皇天留碩果獨秀見亦鮮憑君好護  
持花意亦繾綣公門盛桃李老我增愧覲行將苦李棄

未惜澗松偃縮交惟荀陳投分似嵇阮豁然酒腸澗忍  
凍吟髭撚采采憶籬東婆娑興不淺

守意龕詩集卷十六

三韓 百齡 菊溪著

乙卯

正月十日開館與壽莊香巖齊原諸弟以書有未

曾經我讀分韻

得有字

人生各有營萬途力趨走矢以堅確心業可創可守大  
匠有專門老農無棄畝矧被儒者服士爲四民首讀書  
學何事上與古人友樂在名教中藝居器識後窮經貴  
致用大道非芻狗日月曠居諸暴棄夫誰咎翳余少椎  
魯讀十輒忘九仰惟先公訓詩禮過庭受豁若開盲聾

嚴若困鞭杻心兵未易泮腹笥竟何有至今把遺卷顏  
色猶怩忸徒悲去日多奄忽成老醜英英諸弟健析薪  
期共負連年掇科第所得亦云厚水須觀滄溟山詎限  
崑嶠人世多雙丁吾家有二酉今辰風日和春光滿戶  
牖開編問奇字共酌先生酒我亦屬囊韉文壇相左右  
緬彼良冶良勿隨朽木朽

明日閱諸弟詩再賦一首

隔座驚聞下筆聲一燈分影照窗明日如馳驥誰能繫  
書是良田要自耕溫飽詎關儒者志浮夸應薄少年行  
平時聽雨橫牀在有約同眠待宦成



正月十三日照齋招飲樂賢堂

門外寒暄了不知  
馴階烏鵲逐兒嬉  
占豐朔雪豚蹄祝  
送暖春風步履隨  
老畏人言思睡面  
閒同君醉笑伸眉  
一年好句新裁就  
聽詠元和聖德詩

煦齋有春帖  
子詞甚佳

上元立春郊行疊前韻簡煦齋

未必春回柳便知  
迎春已見野人嬉  
鳥能擇木將雛穩  
牛欲耕烟喚犢隨  
圓月今宵開貝闕  
繁燈幾處照蛾眉  
憑誰徑醉山村酒  
歸掩蓬門自詠詩

過法祭酒時帆詩龕

往日大名齊沈宋  
近來佳句似陰何  
著書閉戶經年富

聽雨橫牀幾輩過相骨每嗟收駿少傷根肯使刈葵多

橋門鼓篋三千士都為先生廢蓼莪

時祭酒在艱

劉樸齋招飲再疊前韻

響滴糟牀酒客知遨頭重與作春嬉迎暉東陸星雲爛

下直西園筆視隨人不易知誰刮目佛無可說自低眉

時座有番僧念慈

聶翁未必驚獅吼一笑微吟落杖詩

是日夢禪屬題

木杖故戲及之

送蘭巖宮詹視學粵東

依依國門柳送送使車塵朱幡指嶺表祖道生陽春君

身若魁宿咫尺依北辰欽哉畀文柄壽寓閎作人

主知何以答士氣何以伸臨分重握手此意難具陳

珠玉韜其光樛楠視所養君行南海畔浩浩結珊瑚文章家有師敝帚千金享示以清越音乃絕箏琵琶稱物衡則平刮垢鏡斯朗事無旁掣肘道可獨運掌羅浮好山色眺詠憶疇曩

蘭巖曾典  
試粵東

炎風瘴雨中持此冰心往

與君田間來甘苦舊所歷成名甲科上後先厠館職垂老挽強弓一笑誰破的龍門秋氣深猶記白袍立冬烘  
詣頭腦念此益慙惕平生肝膈言得位不可食槎江萬頃波桂嶺千仞壁清風被寒峻絳帳絃歌集

我昔弭使節雨雪東出關尺書相慰藉念我何時還三

年亦小別載詠皇華篇斗南濡大筆蘇海韓潮連冷冷  
叩韶石八音賡舜弦詩成囑誰和夢我蒼榕邊洋洋下  
雙鯉我夢隨風烟

壽莊霽原兩弟試春闈

文氣浮珠斗星輝耀角亢人材皆棧樸

聖德邁虞唐誰作探花使同登選佛場眼前飛動意老  
筆是干將

絳帳傳經久青冥望眼賒事難操左券業可號專家矮  
屋三條燭春風十里花阿兄牛馬走頭地讓君誇

譚古愚少司寇尙忠招飲醉歸賦謝

一舉何曾累十觴。倒傾蛟室甚頽唐。身如倦柳眠難起。  
聲似寒竿澁不揚。驚聽車輪翻地軸。錯疑燈火動星芒。  
入門傳得兒童笑。新領侯封到醉鄉。

三月初九憶壽莊霽原兩弟闌中

文陣森嚴拔幟忙。樓頭吹角興飛揚。少年叱咤風雲色。  
垂老驚心古戰場。

暮春邀同人往遊西山聞坦園意不果行以詩促之

置身非隱亦非市。烏帽黃塵負佳日。從來曠士慕獨往。  
那惜烟霞成痼疾。出門西向春雨晴。淨洗山光隔城溢。

山中猿鶴責愆期一誤宜容再相失  
萬里排雲鞢脫鷹  
十年閉戶禪遊蝨笑我難忘靈運家  
勸君且著阮孚屐  
千峰萬峰要題品  
曉渡桑乾濡大筆  
人生快意非偶然  
行誰能使止誰尼  
五岳年年待向平  
可憐婚嫁何時畢

偕朱約齋孝廉自蘆溝橋至王家嶺道中望西山  
索居意不愜夢落林巒間非君靜者性誰與同躋攀  
膏車越西嶺引睇來烟鬟蒼茫萬古水浩浩流桑乾  
徘徊石橋上落日狻猊閑回頭望閭闔雲樹連九關  
佳境漸欲入塵慮欣已刪浩歌把村酒一笑開心顏

西莊夜宿

賸色赴遙壠連林春鳥棲泉鳴新雨後星帶數峰西野  
老謀樽酒高情付杖藜夢回鐘一杵明日宿招提

曉度佛耳門微雨乍晴遂至潭柘寺

天風掃頰雲夜半誰縛帚遵塗理晨策遠翠落吾手微  
微雨陣歇潤積土囊口崕砑十里豁細路出林阜陰巖  
聆佛跡仿佛辨肩肘堂哉紺宇崇千栢竟何有惟餘一  
潭水照我欲離垢遙聞衆籟合殷地鯨魚吼

猗玗亭夜坐聽雨

碎憂青玕爽吹生晚鐘聲定佛燈明惱人一樣春宵雨  
聽向山中夢轉清

濕翠潑簷松蓋偃歟涼攜袖嶺雲銜夜深何處鳴琴筑  
萬斛泉聲落枕函

延清閣曉起看山

晨曦暖虛閣雨氣散遙嶺石欄犯曉過一意逐清景九  
峰屹相向瘦削芙蓉影誰曳太行臂到此力猶逞佛垂  
上界雲僧鑿太古井緬懷卓錫人觀化水天永柏焚妙  
香接禽語梵音領千廬俯平地始覺所歷迥哀哉塵土  
中拔足苦不猛颯然谷風嘯獨立衣裳冷

龍泉

徑摩蒼穹鐵壁濕洩瀨噴雲落千尺靈湫窈杳海眼通



石竇玲瓏坤軸圻何年飛去兩蒼龍爪甲依稀印寒碧  
聽法猶傳大小青蜿蜒佛座示神赫寺有二蛇人呼爲大青小青銚  
罌汲供十方僧瀉向人間潤阡陌蒼茫夜峽雷雨翻或  
恐神物移窟宅

自太平莊肩輿度羅喉嶺至戒壇

濟勝慙無具輕輿上下便雨晴苔滑步崖俯石摩肩人  
語烟中聽風聲樹杪懸不知山面轉忽到寺門前  
古刹羅睺嶺危欄放眼明山河燕趙氣碑版晉唐名水  
溯蟠龍洞烟迷煮石鐺年年聞選佛幾輩証無生

題坦園蘆碕秋泛圖

鱸魚正美秋風起千點蘆花半江水斷岸空明盪槳來  
孤烟夢醒烏篷底先生豈是蘆中人試手鷗汀把釣綸  
明月滿船漁火暗綠蓑青箬認前身眼底年光歎無那  
扣弦獨唱愁誰和我有浮家泛宅心與君歲晚滄江卧  
遊尺五山莊簡約齋

尺五城南葦杜莊疎簾清簟坐斜陽竹坡雨洗梢梢淨  
荷渚風翻葉葉涼隱砌蟲聲秋宛轉隔城山色暮蒼茫  
筍輿藤杖尋詩去佳句憑君貯錦囊

七夕過夢禪居士聞妙龕

磚苔過雨綠生庭委巷柴扉夜不扃忽感秋心飄一葉

又指老眼看雙星歌傳金石貧非病興寄烟雲畫有靈  
二十年前投劾去至今髮白抱遺經

野眺次韻答煦齋

閉閣惓惓索句艱吟懷忽放沈寥間邊聲戍鼓遙驚雁  
秋影城樓瘦壓山松蓋綠垂荒塚靜蓼花紅逗夕陽殷  
篝車處處操豚祝晚稼還愁灑澤慳

時秋禾  
望雨

夜坐簡約齋

燈火孤亭迥園林夜氣沈搖搖松竹影一雨便蕭森酒  
味經時斷詩懷與子深相要踏紅葉抗手薊門吟

題夢禪指畫雲山障子

偶然欲書其意到一波一折入神妙偶然欲畫其天全

一石一水相鉤連書耶畫耶二而一慧業人生那可必

先生妙繪速且工濡染淋漓大手筆筆所未到指則靈

墨花掌上烟雲生殘煤斷素自珍惜寶之不啻瓊瑤瑛

昨從太史壁上觀滿樓風雨增暮寒又從京兆齋頭見

五粒松濤捲素練曾從英太史宅看作山雨欲來風滿樓圖及莫京兆宅五松障子虎

頭癡絕阿章顛夢想揮毫二十年一朝斂門掃素陣爲

我海上招三山是圖取黃庭經奚不登山誦我書鬱鬱窈窕真人遺二句意山叢叢

石齒齒中有瓊臺去天咫雲磴高蟠琪樹枝虹梁倒下

銀河水昨夜秋生少室陰浮邱把袂窮丹林青童抗手

示瓊笈坐令骨腦消毒淫夢回古翠絡簷瓦半斗隴廩  
看傾寫煩君頰上更添毫著我蓋頭茅一把君家舊有  
平泉莊胸中邱壑誰測量金魚換酒玉琴碎獨立萬古  
心蒼茫舉頭四壁風雲走翠嶂丹房六丁守酒邊客問  
草堂圖畫裡詩吟輞川叟

題同年閻墨園侍御泰和登岱圖

巖巖五嶽長鬱鬱神秀鍾自非蓬萊客絕頂誰能窮我  
昔涉汶水馬首瞻嵒嶺山光齊魯合插漢干芙蓉傳聞  
漢代柏尚有秦時松祇緣絡塵網未許丹梯從十年結  
遙契開卷羅衆峯穿溜石鑿鑿飛雨雲溶溶想君弭節

往佳氣蟠花驄天門立積鐵直上摩蒼穹睥睨萬靈會  
躡屨凌罡風九州列培塿不數華與嵩鷄鳴看日出灩  
灩扶桑紅此時豁胸臆萬古雲烟空玉檢不可識荒碣  
披蒙茸長嘯坐懷古茲遊足英雄何人鏤巨石名字將  
毋同山半鏤魯瞻二字  
適與銀台表字合靈區匪偶涉過眼心猶通真形  
倚寥廓夢繞滄溟東

寄蘭巖粵中

迢迢南鴈報書艱別後何曾笑展顏邱隴迴翔詩思少  
乾坤跌宕鬢毛斑三秋夢破燈前雨萬里雲垂海上山  
一棹清風臨合浦可能招我蚌珠還

時余  
喪子

雪夜聞約齋話江鄉風景適煦齋以喜雪詩見貽

次答之

碎踏瓊瑤屐齒過壁衣深護篆烟和氣沈隴畔遺蝗少  
寒茫人間廣廈多古屋燈昏分蠹簡滄江歲晚卧漁簑  
梁園已散鄒枚席客右重聞白雪歌

疊前韻簡約齋

冒棟緣甍萬片過小陽春到律聲和吟窗月隋梅心瘦  
談塵風生玉屑多撥火殘灰悲土銼約齋禮聞報  
罷赴考教習劃江  
寒櫓夢烟簑不須更問羊羔酒遲子妍詞一放歌

釋服書感八首

霜辰雪夜易成哀往事分明每自猜  
嚙指動心思母在  
挽鬚問字夢兒來  
匆匆小劫黃梁熟  
冉冉頽陽白髮催  
強欲辟寒重向火  
可能吹竈復燃灰

記得春暉少日歡  
不才叨作掌珠看  
學嚴外傳防兒懶  
交慎出門取友端  
書忍每期全骨肉  
教忠常切奉心肝  
平生事事勞庭訓  
垂老方知負荷難

丞哉不負

帝京遊也當車前  
控八騶龍虎風雲  
山北面金銀宮闕  
海東頭粉榆社望  
先疇在桃李春看  
舊蔭留誰料杜鵑  
啼夜雨麻衣歸聽  
墓門秋

余壬子年遊奉天府府丞之任於癸丑秋奉

先太夫



人韓  
旋都

東觀西臺跡屢遷攀嵒締阮惜華年婆娑生意江潭柳  
懊惱新詞相府蓮好景掉頭如露電故人揮手各風烟  
而今禿盡中書頰欲賦凌雲意惘然

殷兄張丈共追陪筮短龜長莫更推後日功名誰料得  
前生福地要修來譚禪面悟觀河皺探道心驚望海回  
三世衣冠清德在敢將門戶玷泉臺

三間老屋八窗明土銍烟驕木榻橫未可解憂拋酒盞  
時余不能忘味戀書檠攻心側望蠻峰息間王師額  
止酒平苗葵捷  
手欣占薊雪晴林鳥號寒蟲習苦世間還有可憐生

一彈指頃兩丸跳又見東風轉斗杓  
鳩開鵲喧人事  
元燕來鴻往宦情遙兜鍪舊業心猶壯  
先世以右職起家絲竹中  
年興漸消莫更風懷論左右豔詩都向佛燈燒

清時未敢卧烟霞再曳朝衫鬢已華  
只恐出山非遠志  
休教沒口誚匏瓜南陔淚盡詩無補

北闕恩深報尙賒百感吟成抒倦眼  
五雲紉繆接隄沙

乙卯除夕

雪霽巡檐望斗牛九衢燈火夜光浮  
人間鳳律青陽轉

時已立春天上

龍飛絳甲週百五十年沾愷澤萬三千里奠荒陬  
一官

俯仰身長健歲領恩暉到白頭

一樣銜卮歲酒醺影堂烟篆感停雲心如棗軸勞千轉  
身比桃符舊幾分顧影每揮思子淚閉門不作送窮文  
林鴉樾馬槽騰裡唱曉黃雞隔院聞

守意龕詩集卷十七

三韓 百齡 菊溪著

己未

十月二十日復任奉天府丞恭紀

玉音傾耳涕交垂微賤生平

聖主知小技文章慙報稱

先皇鞭策許驅馳廿年未敢他途進兩度重添故土思  
民物留都根本地詎惟庠序慎攸司

己未冬十一月復之奉天府丞任展謁 先塋留

別香巖菽原兩弟並寄述亭三弟豫章壽莊四

弟黔中霽原七弟閩南三首

淒淒霜露中望望松楸路明當治行李絮酒告墟墓敢  
云行役勞遼瀋今再度所幸蟣虱臣尙荷

天心注姓名及閭里

帝曰知有素爾來二十年迴翔守故步何嘗貫經史  
褒獎益滋懼報

國奉心肝瞻天撥雲霧驚馬力猶強誰言歲月暮清芬  
誦世德盟心凜矩矱嗚咽臨陳詞先靈默垂護

兒昔赴遼左阿翁不及見含悲隨阿嬈彷彿見翁面及  
今顧板輿呼孃淚如霰憶着麻衣還星奔夜馳傳粉社

猶鵲聲忍復入鄉縣昨朝奉

簡書傍徨寸心戰祭豐果何益菽水不如賤相彼林間  
鳥反哺有餘戀天風吹枯條霜雪墓門徧寒色上征衣  
行行泣毋線

行行屢回顧我心黯如結徘徊見兩弟就我馬前別年  
時風雨宵昆季對牀列仕宦之四方近復音書絕我今  
又遠適仗汝持門閥堂構不可忘俎豆不可褻王珪尙  
有嫂米鹽問瑣屑吾年踰半百向不因人熱前瞻了無  
營後顧此中切文度儻在膝何須小婦挈關河阻且長  
鋒車循故轍彬彬魯諸生詩禮重與說分肩國家事爾

我要無缺回首白雲鄉雁行倚寥泬

煙郊旅夜寄大女

頗有懸弧志何殊咏絮才出門無百里憶汝已千回眠  
食吾能慎平安信早來歸宜告阿母棚內事親裁

荊州道中寄英煦齋閣學

此身豈似知途馬又向遼東賦載馳海上鷗羣留客夢

篋中鴻爪記君詩

前赴遼東煦齋有詩見贈

冰堅驛路車輪滑煙暖

僧寮日腳移

前與煦齋別于慈雲寺今復相送至此

猶是昔年相別處西

風吹鬢立多時

荊州道中

秦城漢壘接榆關石堡沙村路幾灣鄉欲早還應似水  
人方惜別又逢山

路經別山有還鄉水難招丁鶴談前事苦憶潘

輿奉壽顏無限薊門煙樹影一層層帶淚痕斑

### 玉田縣旅夜

星拱辰居北山迴馬首東暖煙田種玉壤壁月懸弓萬  
籟此時靜一心何日空素書如可問訪道入崆峒

### 豐潤縣曉發

笑着先鞭赴宦程馬頭光趁曉星明誰家夢醒茅檐底  
卧聽荒雞第一聲

塞垣層疊仰天高石子庚庚車腳勞短鬢壓霜膚起粟



萬山寒翠落征袍

手捧天書下紫霄因風回想玉珂遙芙蓉闕下千官會  
多少詩人賦早朝

沙河驛題壁

野屋重茅覆漁梁獨木牢路排雙堠遠天縱數峯高霜  
重奴髯結沙深馬力勞盧龍重帛古老去句難豪

永平道中

野劃營青禹甸同百年耕鑿傳車通名山莫問翔龍跡  
片石猶傳射虎雄晴雪戍樓關塞北洪濤仙嶼海門東  
此邦舊是招賢地回首風雲碣石宮

相傳燕昭王爲鄒  
衍築碣石宮于此

謁夷齊廟

不可知者天不能奪者志嚮非兄弟死誰識君臣義空  
山薇蕨香民到于今思我來弔遺跡剔蘚認碑字寒芳  
薦溪毛冷雨浣征轡暮色蒼然來西山黯古翠

雙望鎮雪夜遲陳鷺門上舍不至

少年飲馬向長城憑仗詩人助宦情懊惱北平今夜雪  
累君寒聽馱鈴聲

集霰飛霏冷入帷一燈銜壁照深卮夜闌忽動征人感  
童子垂頭馬嚼箕

出山海關寄寧遠劉松嵐刺史二首

滄溟東望數低徊立馬椎關曉日開絕塞長城千里佳  
中原詞客幾人來閭閻撲地民情古風雅如君僞體裁  
打疊新篇慰行旅驛亭邀月共銜杯

古調獨彈應和寡平生未見已情親會攜玉磬房中句

松嵐會以所著玉磬山房詩見寄

說向金華殿裏人鬚鬢相看憐暮景

海山重到感前塵絃歌近洽文翁化四牡深慙大雅輪  
至宣遠知松嵐已適瀋陽作此寄之

關河寄遙想常恐會面難茲來適所願一愜平生歡郵  
亭明月皎照我如君顏我至君忽行對案忘晨餐烹魚  
見尺素字字琳瑯玕亦知旦暮遇長路猶漫漫昨夢東

入海手拂珊瑚竿臨風一笑粲羽客同驂鸞天飈忽引  
卻夜半星闌干探囊覓君句把作洪濤看

重出山海關至瀋陽寄懷留都

輦下同人並簡奉天寮友兼示諸生

箕尾星分拱北辰一關銜塞勢嶙峋扶桑見日仙都近  
耒耜橫經士氣醇朔雪漸消長至景青山應識再來人  
篋中舊有皇華句愧說陳風答

紫宸

馬首雲開嶽奔盤巫閭聳一峯尊傳車東向通夷島  
賈舶南迴下海門軼事尙傳姜女廟路人誰識管公屯

柳條邊外沙如雪萬里風煙眺古原

春光繡畫六邊遙鳴綠江聲帶海潮珠樹

丹邱千嶂拱

衣冠原廟萬靈朝人知食德傳忠厚事不傷農禁刻雕  
東井更看星聚處天文北照斗回杓

舊堡新屯接軫過十三山繞大凌河餘糧棲畝豐年屢  
折戟沉沙戰壘多曉甸旌旗看獵騎夜村燈火憶絃歌  
樹風時下臯魚泣忍聽諸生誦蓼莪

藹藹青衿揖路歧臨風揩眼認鬚眉重來只恐初心負  
老去尤嚴暮夜知樓以上窮觀海目歲之餘下讀書帷

傳經況復逢劉向

謂前任劉青垣前輩

蒸火光分照閣時

枉煩桑梓舊交心敢詡風斤採鄧林

天子臨軒恩再簡小人有母夢難尋星奔尙記衣飄雪

鶴返空留子在陰一瞬韶華六年景可能消得鬢霜侵

纔聽城樓急暮笳又看車馬趁朝衙周南公姓皆麟趾

閩外將軍是虎牙有友五人輒影共

時盛京五部侍郎薩遜圖寶珍泉

瑚和菴瑚雲莊成誤菴諸公皆先後供職詞垣

夢君三夜月痕斜臣居廉讓今

應在訊問松楸記海涯

余祖居吉林

昨向金臺咏夕陽五雲樓閣鬱相望近臣定識

天顏喜舊侶應知客夢長煮酒消寒窗雪霽折枝寄遠

驛梅香何時繫馬春明柳還共流鶯入建章

冬日田家

茫茫村巷白蓐食行人住柴門日已高殘雪猶在樹仲  
冬農事閒困廩接場圃老翁健如牛中男肥若瓠炊秔  
飯隣比醉語見真趣自云耕作勞豐歲偶然遇官清吏  
不擾況乃薄徭賦信美此樂土雞犬亦蒙護緬懷秦隴  
區頻年急征戍豺狼縱吞噬白骨填道路昨聞巨猾剪  
捷音馳露布行當撫瘡痍廬井復其故同生不同樂此  
豈盡天數沉思激中腸歎息坐相顧默默登前途孤懷  
結煙霧

除夕感懷

雪窗寒色逼燈檠卧聽深宵爆竹聲

帝里風光猶曩昔宦途踪跡憶生平弟兄五處鄉心共

時余官瀋陽三弟叔亭官江西四弟壽莊官黔中七星  
弟霽原官粵西五弟季棻六弟錫九皆在都門

斗三霄望眼明記得屠蘇持獻母影堂煙裊涕縱橫

王子

除夕曾奉母衙齋今失恃  
六年矣思之悲悼不已

次答英煦齋閣學冬夜直廬見懷

卧向書堆裏宵深蠟炬殘勿聞仙籟降陡覺俗腸寬  
回首觚稜遠關心襍被寒九霄明月色何日共君看



守意龕詩集卷十八

三韓百齡菊溪著

庚申

正月十四夜憶英煦齋閣學皆奉使高麗聞已

渡鴨綠江

鴨頭新綠漲江湄  
鵲首東風展繡旂  
明月定知今夜好  
深杯誰共故人持  
雁臣重譯傳

天語鳩杖三春展壽眉  
歸與詞林添掌故  
山川平壤紀新詩

將之任楚南留別瀋陽諸生二首

三月都京賦未成忽傳

天語速南征小臣性戇規模隘

聖主恩深寤寐驚刑賞敢忘忠厚論雲山難遣嘯歌情  
輕裝快馬邊門路多謝春風送出城

知有瞻韓願未酌虛聲如我豈荊州升堂每愧生徒列

遮道何煩父老留

士民有欲  
留行者

盛世崇儒師道立此邦論秀士風優殷勤更勗生花管  
晝日賡雲到鳳樓

瀋陽道中作

最先犯曉一鞭馳怕向春風折柳枝絮語呢喃誰聒耳

我行剛是燕來時

六年前奉素車回鴉噪荒原朔雪催今日回頭望城郭  
海天難覓鶴歸來

兩番持節荷

恩深一樣風光繞故林老馬未迷高下路白雲應識去  
來心

一灣塔影水流春寒食煙生樹樹新好是雨餘青到眼  
十三山色欲留人

故山曾寄白雲多準擬今番拄杖過至竟被他邱隴笑  
難迴俗駕入煙蘿

欲遊北  
鎮未果

才隨鴉背斜陽住又聽雞聲落月催惆悵女兒河畔草  
一痕青送入關來

永安橋寄別瑚少寇雲莊二首

送抱推襟弟與兄照顏梁月憶生平論交義重黃金散  
報國心堅白水盟每定爰書聞太息長懷親舍涕縱橫

時尊甫制府  
有新疆之役

漢廷正議雲中守早晚人傳魏尚名

豐芭幽桑賦舊京六年重聽誦弦聲寒廳若洗君常到  
春水方生我忽行歌到郢中晴雪落夢回湘渚碧雲橫  
只慙弼教全無術陳臬何能使獄平

寄別成少農誤菴二首

立馬古原上思君磊落人昨宵尙樽酒半日隔風塵家  
世貽清德功名慰老親煌煌鐘鼎業鄭重讀書身  
舊識澗瀍路新看桃李陰豈無三宿戀難副萬人心夢  
與塞雲遠意隨湘水深相逢南雁返尺一報嘉音

題程禹卿孝廉詩集

一編甘苦廿年心把向燈前仔細吟拔劍猛含燕趙氣  
橫琴莊寫晉唐音秋風蟋蟀情多感春草池塘夢又尋  
賴有奇懷游汗漫白山東畔海波深

相馬誰空冀北羣河陽烏幕舊傳聞

禹卿爲鐵冶亭僧  
帥門下士余在藩

陽以書見  
投遂訂交

曾觀滄海猶知我再賦都京喜見君放出一

頭驚老宿寫來萬本誦清芬他時夢繞瀟湘裏定有歌聲寄暮雲

三月二十八日入山海關寄雲莊誤菴兩侍郎

回首長城落日黃故人情共海天長臣心若水原同誓  
民口如川未易防三月春風留白袷一宵銀漢隔紅墻  
遙知官閣挑燈坐把酒同消嫉惡腸

北平道中作

五十過頭歲月深亂書堆裏日高吟昨聞笳鼓邊城下  
陡起南山射虎心

己未冬月北平雙望店雪夜遲驚門不至曾賦小

詩今歸途復阻雨於此再簡一絕

高下山如獅踞地後先人似雁離羣前番凍雪今番雨  
又向盧龍坐夜分

豐潤道中驚門先行余于役薊門越二日踵次煙

郊賦此索和

書劍春風並騎馱官程忽漫滯行珂千盤路入羊腸轉  
兩日山分馬首過已覺獨吟難自遣若教遠別定如何  
勗君努力先鞭着夜半雞聲不厭多

薊門道中望盤山作

薊門東望何蜿蜒青蒼萬疊雲峯攢女媧補天遺巨石

守意龕詩集

卷十八

四

五丁斧闢山如盤危崖突出鼇背聳細路窮匝螺絲旋  
劒臺丹鼎誌靈蹟仙之所居非人間傳聞高士此結屋  
人境遂爾通風煙琳宮紺宇互虧蔽青松紅杏相新鮮  
都城百里望可卽春二三月遊人使我年半百幾神往  
一再過此游無緣猿愁鶴怨那能避蛛縈蠶縛真可憐  
山靈儻許諾前約誅茅他日巢層巔

奉 命恭謁

裕陵敬誌三首

鳳關瞻如昨

龍髯不可攀風雲通



帝座日月拱橋山海內謳歌久蒼生涕淚潛伏塵容展  
謁彷彿覲

天顏

浩浩三千界巍巍六十年

高明天體峻

純一聖功全拓地開疆域鴻文備簡編賢于堯舜遠千

古識心傳

秘閣趨承早

彤廷獨對曾受

恩真有忝報國恨無能

主聖今遷擢臣愚倍戰兢徘徊松柏路回首涕沾膺

留別大女

纔解歸裝十日談又聞驪唱促征驂鶯花漠漠看春暮  
楊柳依依賦漢南報國只愁年向老承家每恨汝非男  
臨分無限關心事不惜丁寧語再三

將之湘南留別諸弟

擬共春風賦小園離情忽對酒盈尊草初生處人同夢  
花正開時我出門眠食不須愁暮景馳驅常恐負  
深恩雁聲聽過衡陽浦隻影南飛感弟昆

淇縣曉行

苦被雞聲喚客醒出門猶覺夢忪惺林煙未起月初落  
一角好山遙送青

畧約橫斜路幾灣一村村聽鳥關關曉風吹過前溪雨  
人在淇泉綠竹間

乾隆壬寅秋九月余由翰林請假往省 先大夫  
於河南陳州府署時安邑牛敏夫先生宰商水  
因得納交明年癸卯 先大夫解組歸京師敏  
夫旋亦致仕還山右自是不相見忽忽二十年  
矣嘉慶五年四月余視臬楚南道經豫之新鄉  
適冢君漢昭進士知縣事敏夫就養官署聞余

至過存於城東郵館挑燈話舊愴然于懷作此

贈之

淇澳東瞻繞綠筠鄘城重訪大河濱入疆盡頌神明宰

慰我何來嬰鑠人廿載趨庭思舊句

予向有趨庭詩草

一宵翦

燭話前因別來風木傷心久雪涕頻頻問老親

敏夫不知先大

夫見背猶

詢起居

家君作宰駐檐帷三晉雲山硯席隨我愧筆花非慧業

人傳書草是經師評高月旦龍門峻步展雲衢駿足馳

持節憶過清德里薰風亭畔立多時

余于丁酉視學晉陽會至敏夫里門

五馬歡迎卧治堂先公計吏說循良一錢不要心如水

五穀同登境過塋

敏夫宰商邑有異政士民爲之立生祠

直擬象山開鹿

洞更聞朱邑祠  
桐鄉激堤手種千行柳  
都作棠陰拂道

旁

治譜家聲萬口傳  
郎君賢似使君賢  
扶鳩共祝齊眉健

蠟鳳欣看繞膝連

敏夫與夫人同登上壽四世一堂洵爲盛事

觀化一門春

氣象論交再世佛  
因緣官程又作匆匆別  
回首停雲鄂

渚邊

### 渡黃河

莽莽驚沙浩浩波  
來從天上一颿過  
源探星宿曾觀海

余甫自遼海歸

地劃燕雲又渡河  
幸不爲魚明德遠有如此水

壯心多邊烽欲挽洪濤洗戍卒嵩陽免荷戈

時聞豫兵駐河防賊

### 大梁道中雜詩

雞鳴狗盜競留賓  
錐處囊中脫穎新  
誰識夷門貧欲死  
白頭猶作報恩人

一曲新歌月滿樓  
羽衣眞作廣寒遊  
不愁驚破漁陽鼓

卻怪人來掀笛偷

郡有天津橋卽李暮吹笛處

一樣青城北狩過  
玉津園外陣雲多  
至今剩有樊樓月  
曾照將軍夜渡河

紛紛姚魏鬪芳華  
陌上春歸日已斜  
幾見銅駝荆棘裏  
不堪重問洛陽花

朝譙西園暮北邙居人行樂路人傷  
惟留一片嵩陽石  
猶爲盧鴻記草堂

許州旅夜寄季棻錫九兩弟

江邊衡雁迢迢返嶺上嵩雲淦淦過  
匝月征塵添白髮  
余出都後鬚  
白者漸多  
昨宵鄉夢隔黃河壯心尙作聞雞舞孤影  
難成對酒歌  
猛憶過庭前度路柳湖煙雨淚痕多

雨聲忽感對牀時兀兀燈前聽漏遲  
小草何常無遠志  
連枝應惜贈將離須知負米同爲子  
況復傳經各有兒  
兩弟均  
抱子  
半畝園林春色好煩君留眼舊花枝

望嵩山不得上夜宿田家口號

晚煙濃繞望嵩樓畫裏林塘一夕留夜半鐘聲傳少室  
月明三十六峯頭

臨汝道中

繞郭炊煙又幾家村塍十里路三叉楊林一陣雨聲歇  
門外水田鳴亂蛙

遠山青抱白公城楊柳依依汝水清一鳥隔堤如喚渡  
只聞聲好不知名

雙亭隻堠去仍還人似勞薪未肯閒誰向曉程摹畫本  
一鈎殘月穆陵關

汝州道中



一碧望無極  
茸茸野草香  
溪流沙路潤  
村雨麥天涼  
遠岫分伊闕  
斜暉駐魯陽  
不禁懷古意  
放眼入蒼茫

應山小河溪旅舍見梁間乳燕有感

簾捲窺人語  
巢成仰母慈  
紅襟爭欲舞  
黃口幸無飢  
有爾將雛意  
增予憶子悲  
楚天梁月皎  
愁照鬢如絲

煙村

十里煙村踏綠莎  
葛衫涼透曉風多  
前溪昨夜雨三尺  
水上黃牛浮鼻過

視臬楚南路人猶有以少京兆相呼者戲成一首  
竿木隨身笑我頑  
宦場原作戲場看  
吏民莫把賢良喚

今日東坡是判官

昔坡公以制科出判鳳翔吏呼曰蘇賢良刺史陳公弼怒曰判官何賢良

耶

楚南官舍寄陳驚門

邊笳戍鼓遞相催  
飲馬長城去復回  
山面冷欺人面改  
雪花濃拂筆花開  
難尋遼鶴傳鄉語  
每見江離想賦才  
懶不作詩無別故  
一尊東閣待君來

菊影次沈雪友韻

濃淡分來第幾枝  
一叢叢傍竹闌垂  
似君晚節原堪愛  
伴此秋光不肯離  
搖落漫同霜葉感  
橫斜還共雪梅思  
含情試問花中隱  
可要淵明贈影詩

傲霜猶記故園枝宛轉當風片影垂澹亦似人眞復幻  
瘦偏如我卽仍離斜陽老圃層層見明月疎籬夜夜思  
欲與傳神輸妙手色空空色畫兼詩

秋夜鴻雪堂聽雨

得聲字

衙鼓宵沉夢乍驚入簾寒色逼燈檠客傳詩筆淋漓寫  
謂雪友約秋引鄉心點滴明萬葉風喧添竹吹片帆雲  
齋雨公黑落江聲雨師要助王師捷大別山前洗甲兵  
靖  
時荆襄賊氛未

冬夜懷朱約齋以長相思爲韻同雪友作

南浦初停棹西風陡作涼懷人秋雨歇望遠楚天長尙

喜詩留篋誰云夢隔牀迢迢鴻雁返孤影度衡陽

厚意久難報知音聞未忘相逢猶昨日卜別又他鄉利  
器思盤錯華年慨老蒼祇應貞素履金玉誦其相

賦爲依劉作書猶薦禰遲愧余才已盡歎子數仍奇鄭

重名山業屏營暮夜知往來同二老

謂雪友維城兩先生

琢句寄

遙思

守意龕詩集卷十九

三韓 百齡 菊溪著

辛酉

上元前夕日小集鴻雪堂

得宵字

隔歲青旂展迎年翠琯調市風燈欲翦圃雨菜曾挑酒

豈同漿乞

時張郡伯餉酒

人先與月邀辛盤春味美乙杖夜光

饒情泛湘波遠詩催郢雪飄健看翁矍鑠

謂雪翁

游羨客

逍遙

謂約齋

北極頻瞻闕東溟憶度遼兩京輸賦手入法治刑條鷹

逐心長切鴻飛爪未消雲煙移住跡星斗燦今宵

袁江道中寄丹圃弟

連程山翠濕征輿雨霽袁江放棹初客夢又隨東下水  
鄉心頻寄北來魚形勞案牘年顏改

恩拜絲綸感愧俱

連奉  
恩重報難

諭旨訓勉寸心惶切那敢便萌投効

想故園閒卻少游車

峯過衡陽雁字傳數行春信到經年

時接客  
冬家信

喜聞身健

耽書卷莫厭官貧少俸錢我輩盟心原白水先人遺澤  
是青氈牽蘿爲補花間屋他日支牀聽雨眠

喜晤述亭三弟於南昌舟中作此志別并寄丹圃

弟都下

我舟泝湘水東下隨奔湍分風岸南北村郭迴峯巒喜  
君遠來會弭棹章江干執手未及語面目先驚看余衰  
髮漸白汝壯顏猶丹離懷那易盡坐久增悲酸憶昔侍  
堂上兄弟一肺肝春暉倏已杳生事中艱難耕田豈不  
飽釋耒同彈冠朝燕暮復楚我馬無停鞍馳驅奉鞭策  
誓報心力殫南昌接東越煙水猶漫漫汝今食微祿亦  
勿誚曠官臨分萬千囑努力惟加餐羣魚戲船尾隻雁  
鳴沙灘感懷夜無寐起視星斗闌不思遠行苦誰識居  
處歡尺書報羣季我夢飛長安

江船雨夜示述亭

春雲漠漠樹冥冥千里征帆半日停  
不是彭城秋夜雨對牀蕭瑟兩人聽

斷港橫潢雨腳連遠村漁火出溪煙  
篙師爲報江波長

明日歸乘下水船

十七日述亭送余至安仁十九日順流返章門

桐廬道中

好風十里泛滄浪三十年前客夢長  
今日嚴灘重弔古青山無恙鬢毛蒼

柳絲蘸水春情綰鶯語穿林樂意關  
那得扁舟同載酒雨中來看浙西山

次答高知巖太守見寄韻二首



繡衣文采照湖濱五馬行看處處春  
畫裏溪山圍郡閣雨中蓑笠遍村隣  
此邦詞客多同調太守聲名定幾人  
聞道治平應上考朱幡榮拜

### 詔書新

一彈指頃卅年塵到眼雲煙感舊因  
山過處疑顏向老

燕飛來覺意相親

子于乾隆辛卯曾隨先大夫至武林迄今三十年矣重尋舊跡恍如隔世

耕桑厚俗資培養臺閣清風邁等倫

時芸臺中丞以少司農出撫淞江察

吏安民一方蒙福

自愧鉛刀無一割喜隨良治荷陶鈞

### 半山勸農簡杭州高知巖太守

布穀聲中曉荷鋤  
半山青抱野人廬  
荷塘氣挹風停後

六言詩卷之十一  
三  
麥隴香飄雨霽初  
敦俗喜無民佩犢旌廉幾見吏懸魚  
頗年五馬頒春到擬就君求種植書

題鷺門簷頭畫菊卽用其自題韻

墻根籬角認斜陽  
陡覺黃梅雨後涼  
一握好風開笑口  
入君懷袖是秋香

至湖上天未曉

野氣連林合  
泉聲曲澗分  
曉鐘敲蠓夢殘  
月帶鷗羣古  
佛三乘業前賢  
六井勲停輿  
寄遐想吾意欲云云  
僧廬抱巖翠  
苔逕轉空濛  
竹亞梢梢露荷翻  
葉葉風山  
日憂水涸秋稼祝年豐  
雲出豈無意應施濟物功

秋曉至錢塘城外

出郭衆山曉青蒼  
村舍連初陽  
明葉露遠水散  
林煙香  
稻晚將刈淡  
詩秋欲傳塔鈴  
風外語催喚渡江船

秋日偕家穆菴都轉泛舟湖上遂至雲林寺

客有浮家想重湖  
引興長斜峯沉遠碧  
孤艇接秋光  
鷗夢酣無怖  
荷心晚更芳  
誰從塵壒外一問水仙王  
煙鐘出林莽  
初地絕纖塵  
山影瘦銜日  
泉聲冷逼人  
難成羅漢果  
又現宰官身  
驢磨懷今昔  
團圞跡已陳

九月十二日同家穆菴都轉袁栢田觀察泛舟湖

上感賦

明月三人共一舟  
煙波身世兩悠悠  
政非尙猛休談虎  
心果忘機自狎鷗  
每憶苦言真是藥  
須知同道始相謀  
鎔金誰似風胡子  
百鍊鋼爲繞指柔

自題雲樹歸舟圖

纔轉湘颿作勝游  
六橋三竺又勾留  
誰從泥雪尋鴻爪  
每傍江湖望斗牛  
雙鬢髮稀驚向老

九重恩重懼難酬  
白雲紅樹秋如許  
浩蕩歸心一葉舟  
高知巖太守招集有美堂  
東學使劉信芳閣學

登堂思古發幽情  
又聽歌筵唱渭城  
名宦風流卷石在  
美人心事大江橫  
香飄袖底花留影  
秋到尊前雁有聲

誰識謝公懷遠畧每從絲竹念蒼生

跋陳默齋都尉詩集

新陰南國將軍樹舊業西窗博士璫豈似郭綸驄馬瘦  
但誇鐵槩大如椽

手障狂瀾計畫勞猶餘健筆領風騷秋塘夜靜魚龍偃  
開卷驚聞瀉海濤

四月二日簡穆菴都運並訂西湖之約

衙鼓聲沉晝掩門麥風梅雨卧黃昏問君可似嵇康懶  
薄領堆中不耐煩

只有湖山愜舊歡莫教鷗鷺笑鹿官無聲詩與有聲畫

雲水光中洗眼看

題穆菴都轉桐陰納涼圖小照

行衙手種樹婆娑致爽軒前伏雨過想到龍門高百尺  
一枝垂蔭暍人多

神仙官府足徜徉判牘心閒夏日長自有好風能解暑  
不須高卧北窗涼

臺閣丹青妙手摹金貂玉佩貌魁梧誰知畫裏開生面  
留與人傳笠屐圖

穆菴二兄惠紗蟒詩以志謝

方空璀璨五花敷着向風前潄暑無本是乞漿欣得酒

本向乞借  
遂承見貽  
何嘗買櫝笑還珠  
長貧憶昔鵜裘典  
永好從  
今玉佩俱只恐鵜梁譏  
不稱南山陞望意踟躕

辛酉九月十六日之黔藩任留別杭城寮友四首

巖疆宣化力難任  
尺一東來感懼深

帝以公忠期晚節

節次奏摺奉有矢公忠于終身永爲良臣勉之望之之旨跪讀感奮彌切悚惶

切悚惶

臣惟清白守家箴  
三秋星月湖山色  
一路香燈父

老心

瀕行杭人送者香燈夾道

慙愧蘇堤數行柳  
至今留作召棠陰

那敢輕言臬事陳  
到來民俗日諮詢  
反風何處能消火

杭城素多火患心切憂之

得雨前番喜及春

春時禱雨歉應農收豐稔

海舶煙清

瞻馬脊

海洋山名

石塘波穩簇魚鱗

石工塘名

勞心幕府紆籌策

錫福年年徧浙人

時阮芸臺中丞撫浙海塘工固洋面氛銷

上于正月書賜福字俾與

兩浙士民共迓春祺誠盛事也

魏公嚴重潞公寬慕古情深學古難每爲邦人思疾苦

願偕僚友戒貪殘童時游釣前塵感

先大夫仕浙時予曾隨侍迄今三十

餘年

暇日追陪舊雨歡

時劉誠甫方伯袁柏田觀察高知巖太守許小歐參軍皆予舊

友只有梅花應笑我小陽春近未曾看

歲月堂堂簿領中纔看春燕又秋鴻

予于春時由楚南詣浙甫六閱日即

行馳驅範我平如砥張弛因人道似弓未便禪心皈淨

土尙無詩句唱玲瓏蓬萊咫尺神仙窟回首牂牁夢亦

通



寄劉樸齋蜀中

于今不見已三年朔雪炎風地屢遷每憶艱難吟蜀道  
尙煩撻伐問秦川彈冠貢禹心徒切叱馭王尊志定堅  
看我鬢顏今向老馳驅猶懼着先鞭

蘭溪道中寄懷高知巖太守

祈雨靈湫潤野農幾回同聽寺樓鐘

每偕知巖至天竺禱雨

東西

水乍分雙澗南北雲猶戀兩峯濟勝每誇腰腳健治夢

誰說簿書慵何侯近奉求賢詔

伊小尹朱靜齋兩太守已膺上考中丞行

將以知巖名入薦章

已薦唐遵定薦龔

南昌舟中寄家穆菴都轉後二首戲贈其側室

一重村樹一重煙  
彭蠡波平穩送船  
昨夜雨聲催夢醒  
只疑帆落越山前

遠山寒翠潑征衣  
欲寄秋聲雁影稀  
曉倚滕王高閣望  
片雲南浦傍君飛

墜溷飄茵各有情  
不須悵惘歎前生  
人間尙有樊通德  
擁髻無言伴遠征

下子楸枰一着強  
白頭夫婿未頽唐  
殷勤更樹宜男草  
來歲春風到北堂

蘭溪道中題許小歐詩冊卽以寄別

蕩槩飄然浪不驚  
大江東去我西行  
推蓬坐看碧雲合

一上天聞鶴聲

五百灘頭木葉紅  
一編秋思託征鴻  
誰將海日江湖句  
吟向吳山越嶠中

眼中朋輩吾將老  
一晌飛蚊聚亦慙  
只有士龍與鳴鶴

小歐與袁柏田觀察皆  
余廿年前書局老友也  
相逢未許作常談

玉山旅夜寄家穆菴都轉

指點雲帆落葉中  
好山看遍浙西東  
昨宵夢破章江水  
惶恐灘頭一棹風

果然溝水判西東  
隻埃煙分一嶺中  
我與燕鴻來往慣

余春仲過此今  
甫七閱月耳  
才聽春雨又秋風

遨遊難得挾飛仙只許蓬萊住半年何日西湖重載酒  
綠楊深處繫歌船

碧梧翠竹山房裏公退清閒對酒歌應憶勞勞亭畔月  
余時由楚之黔照人湘水別懷多

嚴瀨舟中留別彥補齋同年令尹

疊巘層巒翠潑空沙寒石瘦岸煙籠鳴榔春送連宵雨  
余三月過此值雨破浪秋乘七里風去住官情盟澗水往來人  
影逐江鴻釣竿莫羨羊裘老千古雲臺鄧賈功

有約同舟興未闌果然來看雨中山絮飛萍合非無意  
酒癖詩狂大可刪當局要知民事急耐

恩敢惜鬢毛斑吳山越嶠頻回首夢裏思君數往還

嚴少峯編修守金華詩以贈之

得郡神仙窟傳經太史家誦芳言是矩守樸氣無華大  
業詩書釀清才桂玉誇隨車但琴鶴適野眷桑麻慈惠  
民之本清勤

帝所嘉徵黃行倚畀借寇暫留遮喜我秋停權逢君晚  
放衙舍棠垂蔭滿窗燭亞枝斜奉職冰淵凜酬  
恩歲月賒赤松山路迢去去隔煙霞

嚴州道中寄舍弟

浙水東來三面折湘波南望九溪蟠停雲乍覓別家遠

叱馭何愁行路難嚴瀨白浮沙石瘦戴山青入柁樓寒  
斷鴻聲裏頻回首片片斜陽下晚灘

滕王閣次五坦園親家韻

能感風雷是至文後來作者尙紛紛頻勞使節臨江渚  
幾見仙人織錦雲夜靜斗牛窗檻宿春深蛺蝶畫圖分  
數聲催落西山雨千里衡陽過雁羣

彷彿東溟跨鶴遊仙人招我岳陽樓楚天夢破瀟湘雨  
騷客情牽杜若洲忽訝數峯江上別喜看佳句閣中留  
騰蛟起鳳誰堪擬想見雲煙繞筆頭

南昌城外

近水船窗面面開  
煙波南望獨潏洄  
落霞飛過滕王閣  
又見西山暮雨來

秋日重登滕王閣

江山樓閣費吟才  
懷古登臨望眼開  
賦就一言人不朽  
時維九月客重來  
湖唇潦淨龍沙白  
湘面峯高雁陣回  
夜聽鼓聲催棹發  
又隨涼月過三臺

江舟聞雁是夜泊南洲同鷺門作

一掉大江頭  
宵征雁報秋  
鄉心驚客枕  
晚唱雜漁舟  
月送湘君浦  
風迴帝子洲  
衡陽春信早  
待爾帛書投

桅旌

烏榜重桅峻紅旌尺幅寬飄來風五兩挂起日三竿酒  
旆連江暗星旗傍斗寒樓船誰樹幟鼓角萬人看

柁鼓

何人持布鼓忽向柁樓鳴似喚秋帆渡頻教渚雁驚趁  
朝思閣漏記里問江程喜聽王師捷戈船息此聲

帆風

一笑帆無恙何會阻石尤日懸孤影正雲曳半空浮且  
喜乘風去還期到岸抽孟婆方便好片片認歸舟

篷雨

藉爾催詩句江船夢乍醒秋眞隨雁到人似隔窗聽帆



腳風初定檣牙溜漸停推篷望漁火遠浦一星星

纜影

解纜遙垂影竿頭百丈懸橫江分淨練繞岸曳寒煙白  
舫青簾外漁莊鱗舍前一絲絲不斷宛轉客情牽

櫓聲

坐聽一枝櫓咿啞十里過魚汀搖夜月鷗浦劃晴波何  
處棹謳發此中秋思多長年開笑口惶恐渡灘河

懷西湖十詠

余視臬之江甫六閱月卽有黔中之行計在杭  
州一百九十日以事至湖上六回耳簿書填委

不敢以西湖了公事也別後行西江道中灘淺  
舟遲船窗兀坐適鷺門上舍以西湖十詠見示  
悵觸前游此心飄然在六橋三竺間因如其詩  
之數作此懷之抗塵走俗知不免孤山騰笑也

湖山

橫側傍湖濱青蒼路不分兩峯三面水十里萬重雲鐘  
憶屏山送香從鷺嶺聞飛來知有意如是佛云云

湖水

激灩復空濛波平面面風長留段橋北不逐浙潮東派  
遠雙堤束源深六井通祇虞葑草合疏濬繼前功

湖雲

濃淡湖邊影陰晴看總宜纔隨孤鶴放忽門數峯奇  
藹藹依天竺荒荒覆岳祠若教頻送雨未惜出山遲

湖雨

第一樓頭望廉纖幾陣斜南屏漁火暗西崦酒帘遮鳩  
拙呼偏急龍靈乞更賒

杭人每禱雨于龍井輒應

莫添花港水湖外

有桑麻

湖月

湖上月悠悠金波拍岸浮果然天尺五宛在水中流  
山骨瘦涵影亭心遙貯秋寒光射龍井應訝夜珠投

湖雪

郭外西南路霏霏積曉寒山空梅正卧橋迥月留殘有  
客停樽憶何時倚棹看願教三白見霑灑萬農歡

湖柳

春歸湖上柳又見碧迢迢映水初三月拖煙第六橋啼  
鶯藏密葉繫馬認長條忽聽大堤曲離情滿玉蕭

湖梅

夢入畝香國西溪第幾家山中鶴長守竹外月初斜正  
好寄春色何修到此花緬懷林處士籬落水雲遮

湖寺

紺宇青溪畔花宮翠巘旁誰留金粟影一問水仙王隔  
岸煙鍾渡浮波石塔涼尋僧北山下應爲覓詩忙

湖舫

一葉螭頭舫平湖西復東喚來楊柳月吹過芰荷風船  
似坐天上人疑遊鏡中笙歌休聒耳載與紫髯翁

寄懷沈雪友先生

諸侯上客姓名馳白髮東陽兒恨遲萬卷羅胸書與律  
先生爲幕中名宿時年七十有四猶日誦經史不輟不  
獨精于申韓之學余視臬楚南深叨襄助恨相見之晚  
也兩年懸榻友兼師由衷愷切言無僞着眼分明事不

疑謬許我還同嗜好

先生喜與余談詩  
公餘時相唱和

燈窗雪案夜談

詩

秋風纔共詠江離又送春帆浙水湄花月懶同遊舫醉

先生同余至浙中半載未曾一至湖上

松楸喜展故園思

先生本越州人便道還里省墓

余適拜黔藩之命先生遂歸長沙

君先買棹行占吉我亦乘輶賦載馳

慙愧杭人遮馬首

余去杭之日士民送者與湘中無異自反無遺愛對之慙顏

殷勤

猶似去湘時

萍鄉

十里萍鄉翠燼圍寒雲片片落巖扉黃花渡口烏蓬底  
坐看雨隨紅葉飛

醴陵驛館留贈朱約齋孝廉主講

勞勞我似衡陽雁來往春秋社日分  
余二月由醴陵之浙江今于十月復  
過此孤館又聽湘岸雨片帆猶挂鷺峯雲  
慙爲舊尹難言  
政喜有新詩欲寄君講案香生書帶草  
紉蘭好與誦清芬

醴陵驛館題壁

去偕寒食雨來及小陽春

余二月會宿此今十月復過此

老馬應知路

飛鴻又作賓草芳懷昔日山靜惜勞人  
卧翦郵亭燭難忘三宿因

長沙道中

楚山暗遙翠楚水明晨光川途舊所  
歷宛轉帆隨湘秋

鴻爲我住秋草爲我芳我前父老拜觀者夾道傍歡顏  
問耕鑿歲豐餘稻梁攻心靖蠻服邊帥籌策良爾輩蒙  
帝力官府皆循良依依漢南柳枝幹臨風長旅人惜攀  
折愧比召公棠徘徊五溪月照我黔山陽

桃花源次范明府鶴年韻

也種桑麻也種田偶來絕境豈求仙詩人慣作離塵想  
競說桃源別有天

界破青山樹杪泉誰從狹口覓平川年年春放桃花水  
引得漁郎欲捨船

青溪紅樹畫圖間一晌探尋未肯還逕欲遠煩賢令尹



生綃寫寄綠蘿山

擬倩王大尹繪挑源圖以作卧遊

儼然屋舍自成村  
吏不催租日閉門  
可但桃花長結子  
坐看修竹又生孫

陶靖節記漁人入桃源事論者以爲寓言今余至  
其地山川幽邃竹樹陰森登遇仙橋叩秦人洞苔  
逕流雲澗泉穿石令人翛然意遠雖非洞天亦迥  
異凡境也因復次壁間范明府韻作詩誌之時辛

酉十月廿七日

咫尺仙源近低徊歲月賒  
緣溪頻問路夾岸不逢花  
開闢定何代留傳尙幾家  
漁郎耽世味那解飯胡麻

一勺花潭水飛泉作湫流但教人避世未許客通舟雲  
洞留猿鶴星槎望斗牛笑他劉子驥塵境苦相求

想像泉明記摩挲夢得碑此來欣有遇其事信還疑地  
僻衣冠古春深草木知最高峯可到磨壁欲題詩

雲霽梅溪雨煙消白馬津遠帆迎暖日古道惜勞薪處  
士何論晉桃花每笑秦歸來好鄉縣欲喚此中人

壺頭山爲馬伏波征蠻駐師處

壺頭山上飛鳥沈壺頭山下溪水深黃茅白葦暗煙雨  
中有伏波舊銅柱將軍矍鑠征百蠻烽火夜照辰龍關  
當時未許雲臺畫後世空悲蕙荈還噫吁噉下澤車欵

段馬鄉里悠悠胡爲者君不見魚復川前八陣留渡瀘  
猶有武鄉侯

辰陽

壺頭天險石嶙峋六詔三湘此要津秦洞書藏山記酉  
武溪鳶墮水流辰頻聞歲稔消氛祲應惜民勞善拊循  
蠻語競傳諸葛壘果然丞相是天人

過苗境舊屯官軍處寄傅重菴太守

靡莫牂牁史牒詳盤瓠臆說笑荒唐獠狃古未通聲教  
郡縣今看畫井疆馴可就銜調野馬黠還走險肆貪狼  
梯巖燎壁勞師旅回首烽煙弔戰場

曾聞持節下三巴六月王師道路賒上將朱幡圍虎豹  
小人白骨化虫沙蠻天夜繞金銀氣戰地春開桃李花  
醉草捷書磨盾鼻笙歌帳外月輪斜

安邊籌策古人情一死千秋仰大名裏骨將軍溪繞柱  
攻心丞相月盤營負隅往日誰留虎跋浪今番竟翦鯨  
詔下九重褒將畧勗君努力作干城

特達真饒國士風綢繆夙夜矢公忠建瓴設險秋無警  
買犢耕田歲屢豐開釁莫招匡石議同心須奏范韓功  
卽今

舜陸敷文德重譯車書萬國同

贈辰州王方山軍門

戟門吹角倚南天坐擁貔貅玉帳懸

盛世邊疆無燧警將軍武庫是家傳勲標銅柱思千古  
詩繡弓衣誦幾篇江漢人思羊叔子輕裘緩帶嬾前賢  
膽落人驚小范名誰知儒雅一書生胸藏古鑑搜圖史  
手挽天河洗甲兵日下瞻雲桑梓敬湘南紉佩蕙蘭清  
疎慵笑我顛毛禿虛負臨岐贈策情

次韻和元立庭太守重宴鹿鳴詩四首

驂駟開道躡風雲駿骨曾空冀北羣今日兒童迎郭綬  
當年關吏識終軍看花開處春長在賦鹿鳴來客共欣

笑指廣寒邀月飲霓裳隊裏又逢君

三輔瞻雲傍

紫宸兩朝

恩遇頌賢臣早聞畫錦堂留澤可但生花筆有神靜者  
心參羅漢果老人星現宰官身一麾江海仁風溥買犢  
耕田俗盡醇

綺麗飛騰幾輩誇是翁矍鑠

帝袞嘉問年絳甲今堪記司命朱衣舊不差後進名應  
彰驥尾前生慧豈捨人牙昨從折木津頭望重見秋乘  
貫月槎

日回南陸暖如春五馬歡留鄭驛賓聽說元都前度樹  
卻慙汲黯後來薪紗籠壁上吟新句桂發山中憶故人  
竚待

璽書徵上壽杖朝黃髮荷

恩頻

道經黔中相見坡鷺門詩有相見轉相愁何如不  
相見之句予覺其寄情太苦非少年遠遊所宜因  
戲作豔體廣之

一坡橫一坡旋前者如奔後者殿行行車馬暮復朝十  
里五里長相見相見蠻天霧雨涼青溪環照鬢毛蒼郎

尋古驛通羅甸妾寄愁心下夜郎憶昨秋江烟水暮喚  
郎買棹潯陽渡妬婦津頭不勝愁望夫山上頻回顧傳  
聞礮峒戢干戈刀耕火種豐年多繡成蠻布弓衣曲付  
與吹笙柸桮歌歌成復相問郎心可無悶雪霽牂牁驛  
使來折梅早寄春歸信君不見坡前雲洞佛光圓前有飛雲  
片石可證三生緣一回相見一回笑妾貌如花郎正  
少